

OMUKUJETU

N:o [3]

ESIKU 15 MAART

1949

■ X · X · X · X · X · X · X ■ XX · X · X · X · X · X · X ■ X · X · X · X · X · X ■ X · X · X · X · X · X ■

Elialuluko nedimepo lomatimba

Luk. 7: 36—50

Kasimba Omuene Jeesus e u'a luhapu nomomaumbo etu. Mbela opo e li no nes na ngasi kua kala meumbola Simon uinja. Okue uja nomeumbo loje. Ha kongo sike? Ava vi itala ve li naua mbela? Ahoue. Ote ku kong? Ota kongo omuñu e nomuenjo ua njanjaulua koudju uomeni. Simon okua li naua, onke Jeesus ina siva oku mu pa sa, elongo laje alike, ha omuenjo. Ndele ne okua li umue a peua sihapu. Ol, elje ou? Omuidilululi. Otua ika okudiladila omuidilululi omuñu kee neendjovo, iha popiua molui, oha ji komambo, ndele ha kongolola omatimba ovakuo, nokutja ku li po naa naa ngasika Simon ou a ifana Jeesus a lje naje me gumbo laje nokuli. Nani omuñu muua iha pumbua okuidilulula, omulunde aeke? Simon okua mono epukululo linene. Noso jo nge hatu mu diladila otu uete Simon ina mona sa ku Jeesus. Omuidilululi, omulunde aeke a mona. Tala, omuidilululi oshi itala oje muene. Oha koneke omuenjo uaje, esi si li mo meni, momadiladilo aje meendjovo daje nomiilonga jaje muene. Kee nefimbo lokukoneka omukuauo. Ndele ite si dulu nokuli. Nge ta dimbulu kua uulunde uovakuo, oha ji muje muene ndele ti ipulapula: ame kasimba nde mu pa ehopaelélua li, ile: kasimba mandu mu kua fa ngasi nda lindi noku ninga, mbela inandi mu pukulula. Epangulo kali neha momuidilululi oti ipangula oje muene ndele uui naji uaje tau mu jahameke omuenjo uaje. E nediladilo limue alike: ngeno Omuene Jeesus ita kuafe nge ngeno hai ninginine

mekano laluse. Nende fje ovakriste ovakuane ongalo, tu ipakeni tuu kese efiku poñgulo lomukaiñu o omulunde keebadi dOmuku lili noku di sasamena nomahodi etu, o sesi ondeveli he tu njateke aluse eemuenjo detu. Tu si ningeni opo Omuene uetu a sive oku tu kosha noku tu uapeka nohonde jaje ijapuki. Ou a diminuapo omatimba aje, oje aeke a manguluka mepangelo lao. Uulunde kau mu pangele vali. Eitavelo li nomuenjo le mu mangulula ndele ha mono ombili ja Kalunga okese tuu efiku aluse, ndele ta hambelele Omukulili uaje. Otu i konakoneni otu li poñele ilipipo, ohatu to kola ovakuetu ile ohatu itokola meifupipiko lasili keebadi dOmuene. M.

KOTOKELANI ELAKA.

Jak. 3.

Elaka oljo ošilongišo ošuanaua ši vule iilongišo iiku uo. Ošoka ohali tomona omas ui gu uvite na gamue uo ihaga uvika. Ihe oli na uo ošiponga šaljo ngaši iilongišo iikuauo iuanaua ji na iiponga jajo. Onke kotokela elaka ljoje uo. Oli rošiponga šini? Ohali fundju, ohali tukana, ohali lundile, ohali hokola, ohali hokolola omahokololo gi ili no gili uo, omauanaua nominaji. Ohali hambelele uo Kalunga. Okuhambelela Kalunga ošo ando ošilonga šelaka ošo lja šitua okulongela Kalunga. Ihe otse otue li ningi ošilongišo šuunaji mbuka. Leša Mat. 11:37. Okohapu zoje ongoje to uušua o mujuuki no kohapu zoje ongoje to peua uusama. Ef. 5:6. Kotokela ano elaka ošoka

naljo tali ku etele ošiponga.

Aauambo je hole okulongiŝa elaka lja uo naji, oŝoka oohapu za anua odo omulo ngelo guujenda uauo ku nguka na ku nguijaka, kotokeleni elaka. Oku nekano to tali tu zile melaka noka. Omunjeli guoŝinjolua ŝino uo a tumbula nonkumue ŝo a ti, elaka hatu li hambe'eliŝa Kalunga oljo iŝe ue hali tuku aantu? Otse aakris e otu na okukotoka mpaka. Okutukana okuo oŝilongiŝo oŝiuinaji, ihe ohoole ojo tuu ando ji kale melaka ljetu. Aakuetu ne Omuaa o munankondo, okua hala tu ŝitukeni no tu kale aape nokelaka uo ljetu. Oje oku noonkondo oku tu kondulula nokua hala otse tu kale nokuhambelesiŝa elaka ndika. Ano tu kotokeleni elaka ljetu ŝili, tse tu ijuŝeni ku nguka a hala tu ŝituke OJesus Omuaa guetu atuhe. Omimbilo epe 175, omu na uo overse jimue taji hala elaka ljetu li hambelele Omuaa guetu, nando omahambeleso aluhe getu ga hala okutindila koondaŝelo. Omukuetu tu kotokeleni elaka Ihe tu li hambeleliŝeni Kalunga ketu oŝo lja ŝitilua ngaaka okulonga uanaua.

OMUUA OTE JA.

Miilongo jaandjetu omu nomukalo nguka, otse otu gu shi naua. Omusamane, nenge omukulukazi, ota ji komukunda guontumba, e ta ŝigi po ojana pegumbo.

Omukulukazi omokukala kue kuujenda ngele omasiku gaali, nena ota juulukua iŝsheue aanona je kegumbo. Naanona kegumbo, aluhe ja kuatua kondjulukue.

Ngele ope na nokuli okanona hoka ka hugunina mela lja jina, ngashika hatu ti onkelo, aluhe otaka moniŝa oojakua uo iŝhuna. Taka lili, nda hala memel Ka juulukua jina shili. No ngele okanona taka monojina ta galuka, nena okanona oku uza enjanju pombanda, shoka jina a galuka, taka hambelele: omemel omemel Jina ta jamukula okanona ke, ongame tandi jal Nena jina nenjanju ta jambula okanona ke okaholike nkelo, okanona taka njanjukua ke na ohoole taka tala naua, jina koshipala. Ngiika okanona taka diladila, memel okue ja. Nasho take shi peua ke shi njanjukua, onke oka njanjukilua jina shili.

Muujuni uongashingeji, omo omuna ŝaŝkriste mboka taa monika, no taa talua ja fa okanona haka kake uete jina pegumbo.

Ojo oje niue kondjulukue onene shili shoka ja tegelela Omukulili guauo muujuni mbuka, Onkene oto ja mono kaje na o mbili muujuni mu. Ihaa njanjukua pamue nuujuni mbuka' Ojo ja dinika, ja talua ja fa jaa shi aantu, ja shekelua uukriste, ja tonde'elua evangeli. Ojo ja talalekua koohapu za Omukulili Luk. 6. 20—26. Ojo otaa njanjukua shili.

Esiku Omuaa guauo te ja. Oondjimbo domahamelelondjimbo' taa ki imba. Omuaa ote ja kaantu ajehe, kungame nokungoje. Otatu adika tuu tua tonata, nenge tua koca? Dimbulukua ejele ljaakadona omulongo.

Omuaa ota galuka e na ofuto jaantu ajehe miikaha je ajehe, koluljo no kolumoholue. Jaajel tse mboka tua longela ofuto jo moshikaha shokolumohol' Openi tatu ka holama epangulo l'Omuaal Kondundu, mefusta, nenge kochi jevi? Oramata otaji ti: Naas mboka taja adika ja koŝa moombila, otaa ka penduka mo ja hede kepangulo. Jaje ngamel Enjanju l'omuujuni shoka tali shituka epupjaleko.

Aajuda oja tegelele Omesias. Aajuuda jamue okua li ju uvite oluhepo luokoomuenjo dauo. Ojo oja tegelele shili ekulilo l'Israel.

Ngashingeji otua tegelela Omuaa te ja okupangula aanamuenjo naasi.

Omukuetu ngoje ua londa okakambe kuujuni, heluka ko manga taku tiua onena.

Eŝimbo tali piti ouala. Tonata, kala o muŝika, Omuaa oku li popepi. Ehol 22: 12.

J. A. Nantinda.

JOHANNESBURG.

Aauambo je li ku Johannesburg ojo ja mono omujakuli. Omuhongi Suikkanen a tembukile ko pamue nefolo lje a uape okujakula aamati je ti nkuja noohapu za Kalunga. Osho she tu njanjuza shili. Kalunga ne ja jambeke moshilonga shauo aŝihe.

Aakuetu ne, uujuni u uza omapukiŝo niiponga. Tu kaleni megalikano lja shili okugalikanena aagundjuka jetu je li kiiloŝ

ngo. Noshilonpa hino sha tamekua ngas shingeji mu Johannesburg inamu shi esa is he shi galikaneneni uo muua nezimbuko.

Nge ua hala u njolele omuhongi Suikkanen nenge u mu konge ehala lje mpo e li oljo ndika: Rev. Olli Suikkanen, 2 North Street, Boksburg. Transvaal.

N. K

OONKUNDANA

Oombrive ze ja po ozindji, onaua sho mu tu zimbulukua. Kalunga na jambes ke omunjoli kehe.

S. V. Kuejo mu Otavi a hala okulo ngela Kalunga nomuenjo aguhe nando a njengua kuujuni. Tala Omüua Jesus, oje omüsindani. Kala onzapo je shaa mpoka u li. Joh. 16: 33.

A. H. ta lili omolu auambo jokiilo ngo ja fa ja zimbua kaandjauo. Tala, Omüua Kalunga osho ta lili uo omolua mbofa je mü zimbua. Jes. 1: 2, 3. Inima jatja ngaaka ojo iilonga jomütundi. Natu ji kondjise nonkondo zombepo Ondjapuki, ha panjama.

Justus lipumbu a zimbulula nkene oluiho talu jono po aanjasha. Eeno, ohole jeliko ojo etindi ljuuinaji kehe. 1Tim. 6:10. Tu ko'okeni shili mpaka.

M. Hamkuaja ku Walvisbay ta ti: Tanga Omüua, oje eonga loje la kola. Tu tseni oongolo tu mü hambelele shili nomuenjo aguhe.

N. L. Kaisungu mu Randfontein e tu njolele: Ovakuetu, Kaung'ita lalakanenene oilonga ikulu jomühu e i longo nale, uua ile ii. Ndele ne ota lalakanene asike mua i te mü hange efiku te ja. Omünela go ou ta kondjo fiyo ohau huninua. Hano ove ino loloka.

Jeremia Sakeus mu Bogenfels te tu kundile po tu ende nuumbanda uujapuki muujuni mbu ua pilaala. Inamu jola, ihe galikaneni moshili.

Benjamin Shiteni na M. Otto toje tu kumagiza tuua jone po omaimbilo omajapuki noku gi imba nani. teno. oshijapuki kashi shi kupilulua mumue na shono sha njata. Uujuni nau kale nondoja ja

uo, ngoka ti imbile Kalunga, ni imbe nomuenjo aguhe.

OONDJOKANA ZOPAKRISTE

tazi ti ngini. Ngele ua hala okupukululua mpaka, ikongela oshohela šOmükuetu, kokutja Ehangeno. Onumeri jotango numvo taji pukulula oondunge zomoondjokana ngashi zi li momaevangeli.

Ehangeno tali holoka luhamano nomü mvo no tali pula osispenisa kOuambo nosilinga kUušimba.

EPULO

Omükuetu a tuminua epulo tali ti ngeji:

Jaje omašimbo guunkundi uandje nkes ne taga kama ndje, no ndaa na oonkondo ue. Jaje, openi ndi mone egameno, Satana šo kua nengeneke ndje ngeji, nokua hata ndje po ngeji. Ondi na okukuga kulje, Omükulili guandje nde mü nikiša uusigua ngeji? Eps. 61: 1-7. Eimbilo ep. 381.

Etsejisilo ndika ljuukatja uomeni ljomüjoni oljo ihali zi mombepo jonjama, ihe ohali zi mombepo Ondjapuki. Onke ano Kalunga šo kue ku zimine u ka pule, okua hala okujeliša pokati koje nOmükulili.

Tala kuume, Jesus oku ku hole sigo ehulišo ljoondjenda zoje kombanda jevi. Ua puka, šoka u luete oondjo zoje oonene nozindji zi vule ohenda ja Kalunga; jalula iilongo a ihe ja kala kombanda jevi, ihe mokati kaajehe ja kala mo, kape na gumue ta kana molua šo andola esilohenda lja pu po. Tala omutondazi ote ku tiliša u limbililue esilohenda. Inekela ombinzi ja Kristus oja guana oku ku jeliša; ino kukuma Omükulili. Jesus, oje omusindani no mu ngoje uo. Lesha Joh. 1:29. Joh. 3: 16, 17, 1Kor. 1:8, 1Kor. 15: 57, Rom. 8: 37-39, Heb. 10: 14, 19-23. Na nge ua njengua natango, inda komühempululışitate ngoka ue mü inekele, oje e ku kuše. Jaak. 5: 16.

Omüsita.

Seurakunta.

AAKUANEONGALO NA ANASKOLA 1948

Egongalo	Aalongua mooskola			Aakuanegongalo		Kumue
	Aamati	Aakazona	kumue	Aalumentu	Aakiin'u	
Onajena	436	725	1161	2278	2762	5040
Ontananga	94	134	228	774	937	1711
Olukonda	372	494	866	1845	2009	3854
Oniipa	103	164	267	964	1085	2049
Oshigambo	456	350	806	1687	2039	3,26
Oshitaji	293	401	694	2407	2898	5305
Engela	401	538	944	2700	2556	5256
Edundja	129	171	300	708	730	1438
Eeñana	129	231	360	776	846	1622
Endola	276	332	608	1,34	1171	2305
Ondobe	213	242	455	1024	978	1102
Omundaungilo	22	39	61	176	248	424
Ongenga	323	433	756	1508	1558	3066
Okalongo	97	95	192	611	636	1247
Ohalušu	99	164	263	686	768	1454
Onguediva	111	149	260	553	569	1122
Niimuandi	202	331	533	964	1128	2092
Elim	606	906	1512	1669	2024	3693
Rehobot	441	590	1031	1550	1513	3063
Shandi	223	203	426	920	763	1683
Uukolonkadi	19	102	193	314	232	556
Nakajale	161	217	378	873	791	1664
	5283	7011	12294	26121	28295	54416

April 1949.

1	V	Joh 12:20-26; Lk 21:20-38	16	Sa	Mt 27:57-66 Ps 118;14-24 Lk 23:50-56
2	Sa	Joh 8:21-30 Numer 21:4-9 Lk 22:1-6 Ehol 3:7-13 Joh 11:47-57 Jes 50:4-11	17	S	Esiku ljejumuko 2 Kor 5:15-21 Joh 20:11-18 Ps 16;8-11
3	S	Os. 5 jomeiziliko.	18	M	Esiku etijaali ljejumuko
4	M	2Kor 5:14-21 Luk. 22:24-30	19	D	Kol 2:9-15 Lk 24:36-48
5	D	Hebr 10:1-10 Luuk. 22:31-38	20	W	Joh 21:1-14 Lk 24:44-49
6	w	Joh 13:31-35 Lk 22:39-46	21	Do	Mt 28:16-20 Lk 24:50-53
7	Do	2Kor 1:3;11 Lk 22:47-53	22	V	Joh 20:1-9 Ps 97
8	V	Joh 11:47-57 Lk 22:54-62	23	Sa	Joh 20:11-18 1 Moos 32:22-31 Iil 3:12-20 Joh 21:1-14 1 Moos 32:24-31
9	Sa	Jer 17:13-17 Sak 9:8-12 Lk 22:63-71 Ehol 3:14-22 Joh 12:1-16 Ps 111	24	S	Os. 1 ja landula Ejumuko
10	S.	Os. jijaale	25	M	2-Tim 1:6-11 Joosua 1:10-18
11	M	Jes 50:4-11 Ps 22:23-32	26	D	2 Tim 2:1-5 Joosua 3:5-17
12	D	Jer 11:18-22 Lk 23:1-12	27	W	Iil 8:26-39 Joosua 5:13-15
13	w	Jer 15:16-21 Lk 23:18-25	28	Do	Iil 4:32-37 Joosua 6.1-16, 20-21
14	Do	Ps 51:3-14 Lk 23:26-32 Ps 22:7-22 Joh 19:25-30 Levitikus 16:29-34	29	V	Room 6.3-11 Joosua 10.5-15
15	V	Eso ljoMukulili	30	Sa	Joosua 2, Ps 23, Joosua 23.1-11